

Sampela rot bilong daunim bagarap bilong binatang insait long kaukau



Planti manmeri wokim nupela kaukau maund. Nogut kaukau weevil kamapim bikpela bagarap moa yet.



Kaukau weevil em i wanpela hevi tru long gaden. I no gat wanpela isi rot long daunim strong bilong em.

Kaukau weevil em i kamap strong na planti long taim bilong bikpela san. Long dispela taim graun bai bruk (cracks) na bikpela (adult) bai

putim kiau i go stret long kaukau. Sampela taim ol i putim kiau i go long rop bilong kaukau, klostu long as bilong en. Taim kiau bilong weevil i bruk, planti pikinini bai kamap larvae. Dispela larvae bagarapim kaukau bilong yumi.

Bikpela mama weevil i lik lik tru, samting olsem anis na ol i save hait insait long graun. Em i hat long luksave long ol bikpela weevil.

Tasol i gat sampela rot bilong halivim yumi.

1. Nogut yu troimwe nating ol pipia kaukau i gat binatang insait. Dispela pipia kaukau i gat planti kiau bilong tupela kain binatang (weevil). Sapos yu troimwe dispela insait long



Adults are very small. White larvae inside kaukau are much easier to see.

- nupela maund ol kiau bilong binatang bai kamap planti moa yet. Bihain yu bai kisim bagarap gen.
2. Kilim i dai dispela binatang i stap insait long ol pipia kaukau. Yu inap kukim long paia, o ting ting gut long sampela rot bilong kilim em.
 3. Katim sotpela kaukau rop taim yu laik planim nupela gaden. Sapos kaukau rop i longpela tumas, bai yu putim kiau bilong binatang i go insait long nupela gaden.
 4. Putim planti kain kain lip i no gat sid, antap long kaukau maund. Dispela lip bai halivim graun i no inap bruk. Dispela lip bai lukautim graun na kaukau wantaim. Weevil bai i no inap putim planti kiau long kaukau.
 5. Wara em i wanpela namba wan rot bilong daunim bagarap bilong kaukau weevil. Yu inap tingting, taim bilong ren, dispela binatang i no bikpela hevi. Orait givim wara i go long kaukau gaden, long taim bilong bikpela san.
 6. Tingting gut long planim wanpela hap pulap wantaim kaukau. Narapela hap graun, planim ol kain kain kaikai, tasol, noken larim wanpela kaukau i kamap insait long dispela gaden. (Crop rotation). Sapos graun i bin stap tupela krismas na nogat wanpela kaukau... orait planti weevil bai dai. (Dispela binatang i save kaikai kaukau tasol). Long dispela tupela hap – wanpela hap i gat kaukau na narapela hap i nogat wanpela kaukau... orait →

7. Yusim banis i stap laip bilong kalabusim binatang long wanpela hap tasol. Yusim wild sunflower, Tephrosia, Flemingia, Hibiscus...
8. Kisim kaukau long gaden taim em i yangpela yet.
9. Taim kaukau i stat long kamap bikpela, yumi mas karamapim as bilong kaukau wantaim planti graun.
10. Noken larim dispela plaua i givim kaikai long weevil. Rausim em.



Sapos yu bihainim ol dispela tok save, orait strong bilong binatang bai go daun.

Wanpela niupela weevil (West Indian Weevil) bin kamap long gaden. Mipela laik kisim rot bilong daunim strong bilong dispela tu.

Dr Dave Askin, Dorothy Kukum, David Kulimbao , Dr S Bang & Dr Sim Sar bin raitim. long Jan 2016

Refer

<http://www.cabi.org/isc/datasheet/17408>